

OFFERYNNAU STATUDOL CYMRU

**2024 No. 388**

**Rheoliadau Gwasanaethau Preswyl Ysgolion Arbennig  
(Darparwyr Gwasanaethau ac Unigolion Cyfrifol) (Cymru) 2024**

**RHAN 18**

**Troseddau**

**Troseddau – darparwyr gwasanaethau**

**76.**—(1) Mae'n drosedd i ddarparwr gwasanaeth fethu â chydymffurfio â gofyniad unrhyw un neu ragor o'r darpariaethau a bennir ym mharagraff (2).

(2) Y darpariaethau a bennir at ddibenion paragraff (1) yw darpariaethau rheoliadau 3(3) a (5), 7(3), 8(1) a (2), 15(1) i (3), 16(1), 31(1), 34(1), 51(1) a (2), 52(1), (2) a (4) a 53(1).

(3) Mae darparwr gwasanaeth yn cyflawni trosedd os yw'r darparwr yn methu â chydymffurfio â gofyniad unrhyw un neu ragor o'r darpariaethau a bennir ym mharagraff (4) a bod methiant o'r fath yn arwain at—

- niwed y gellir ei osgoi (pa un ai o natur gorfforol neu seicolegol) i unigolyn,
- unigolyn yn cael ei wneud yn agored i risg sylweddol o niwed o'r fath, neu
- yn achos dwyn, camddefnyddio neu gamberchnogi arian neu eiddo, unrhyw golled gan unigolyn o'r arian neu'r eiddo o dan sylw.

(4) Y darpariaethau a bennir at ddibenion paragraff (3) yw darpariaethau rheoliadau 2, 3(1), 8(5), 10(1) a (3), 11(1) a (3), 12(1) a (5), 14(1), (6) a (7), 17(1) a (2), 18, 22(1), 23 a 30(1) a (2).